

又

智慧常觀身 學道之所先 紛紛任玄肆
自然錄我神 天尊常擁護 魔王為保言
晃晃金剛體 超超太上前

又

智慧生戒根 真道戒為主 三寶由是興
高仙所崇授 泛此不死舟 修歛濟大有
當此說戒時 諸天皆稽首

靈寶領教濟度金書卷之八十二

靈寶領教濟度金書卷之八十三

洞微高士開光救苦真人等金真授
靈寶通玄弘教水南先生林靈真編

科儀立成品齋生册

謝恩醮儀

法事如式

各禮師存念如法

宣衛靈呪

五星列位 煥鎮五方 始皇護魂 丹老衛形
皓靈侍魄 黑帝攝生 中央黃帝 統御萬真
元皇誥下 幽夜開光 罪消北府 名列南昌
金籙定籍 玉字除殃 朱陵鍊質 飛神太蒼
三官九府 無極神鄉 普受開度 上生天堂
與道合真

鳴法鼓二十四通

發爐

無上三天玄元太上老君召出臣等身中三
五功曹左右官使者侍香玉童傳言散花玉
女五帝直符直日香官各三十二人出出者
嚴裝關啓玄壇天帝神君當召此間土地里

域真官正神急上關啓臣今奉為八君以今
陞壇設醮願得

靈寶自然生神妙炁下降流入臣等身中令
臣所落速達徑御

虛無大道九天元皇玉帝御前

請稱法位

具位奉行謝恩消醮法事小兆臣未與臨壇
官衆等謹同誠上啓

太上無極大道虛無自然妙炁上帝元始天
尊玉晨玄皇大道君金闕後聖玄元老君高
上昊天玉皇上帝三寶帝君三寶丈人九天
採訪使應元普化天尊壽華無量生神天帝
上上禪善無量壽天帝梵監須延天帝寂然
兜術天帝波羅尼密不驕樂天帝洞元化應
聲天帝靈化梵輔天帝高虛清明天帝無想
無結無愛天帝九天丈人真王元父道君九
天真母聖后元君九天元皇帝真元君九天
丞相觀靈帝君九天司命靈靈帝君九天玉
輔上軍四協侍宸列位真人九天尚父佐翊
上輔遊奕大元帥九天諸司真君好生韓君

丈人度人不死尊神迴轍起死尊神九天列
曹靈官司命府五百靈官玄中大法師三天
大法師天地水三官大帝靈寶經籍度三師
真君飛天神王長生大聖東嶽天齊仁聖帝
地府鄴都大帝水府扶桑大帝城隍社令虛
空鑿察三界官屬一切真靈臣聞真精混沌
太無密運於一元祖炁周流妙有快張於萬
範上列九陽而御極下敷列壘以承天日月
星辰凝陽精而垂象山川草木結陰濁以成
形仙真變化於雲層神鬼淪迷於風澤人稟
冲和之粹性為品物之靈參贊兩儀權輿四
象函三五立悉由紫極之網維得一分靈盡
奉玄都之政令包羅形氣囊括幽冥凡切切
於甄陶必昭昭於影響今齋主某俯於黑鬱
仰叩紫宸伏望雲衢簇仗星路鳴鞘八景瓊
輪翼六龍而下邁九華羽蓋參朱鳳以前驅
萬帝臨軒三靈夙駕且與醮官等無任懇祈
之至謹稽首再拜奏請

請聖

三界衆真醮筵列聖通伸拜請諒沐光臨請

整肅於仙班共祇迎於
帝馭

降九位

駕輿至上鶴駕臨軒與醮衆真如儀朝禮朝
禮兄弟清醮醮席醮官上香設拜初進酒

初獻

重稱法位

具位且某謹重誠上啓

三寶至尊九天上帝圓穹之聖真主宰方域
之靈仙神祇內外醮筵無缺聖衆且聞三寶
開圖清微示金書之秘五靈啓運赤明芻玉
字之光凝妙化於無形散神靈之有象億天
基布五劫輪岡大千索齋於陰陽吹萬權衡
於生死悉稟九霄之令主宰昭然密承中極
之機網維煥若微妙則騰儀璘之景恢張則
回英元之根凡或十圖案中孰逃範外今醮官某
幸逢道運獲際真風極扣地之丹衷切籲天
之素悃重念亡故某人塵塵雲樓識識烟迷
五蓋山高縱意馬心猿而馳驚三元官津任
性龍情虎以飛奔愛河分定水之波慈海鼓

靈源之浪暗幾微於藏六虧純粹於存三宿
垢萬千劫定悟水蓮之不染惡根十八界生
看火象之終濁悲莫保於天倪痛修臨於地
禁五行蕩失竊歌返魂之章九炁飄揚誰啓
生神之典黑都鬼律丹闕天條東岱七十四
司雷霆有赫北幽三十六室霜雪無私非飯
命於宸輝曷升神於夜景肅遵玉格肅建瑤
壇列劔佩於千官請旌旄於九陸蘭煙縹緲
上接陽光連炬熒煌下通幽暗散露弄三之
民欲對揚咫尺之天顏請芝檢於龍墀需楓
恩於犴室肅沐返生之惠特頌起死之仁葑
菲不違愧眇動天之德嶺紫可薦蓋殫饗
帝之小心爰有青詞謹當宣奏

宣詞

詞文已露淵鑿旁周視聽自民荷齋功之曲
就禍福由已觀玄貺之潛孚慶雲深藹於虛
無湛露沾濡於寥廓金雞飛舞丹鳳徘徊過
有重疊重藉絲綸之汪濊罪無大小悉析錄
籍之函濡十極同仁千真錫類仰玄黃而稽
首炳丹赤以敷心且與醮官等不勝虔祝之

至

亞獻

具位奉行謝恩清醮法事小兆_臣某等謹同
誠上落

三寶至尊九天上帝圓穹之聖真主宰方域
之靈仙神祇內外醮筵無鞅聖衆_臣聞三洞
開光煥威儀於寶笈九清御世垂科範於瓊
章昭昭而慧日融怡藹藹而慈雲覆蔭幽關
不夜昧谷生春仰帝闕臨下之恩光沾廣野
聲民域由中之懇心遡層雲願矜九死之堪
憐俯賜三生之可喜離官某凝思幽壤痛軫
亡靈誓殫激切之忱庶登皈依之悃潔蓬居
而事帝寶壇三成傾葵志以朝天琅音九奏
舒鳳縉而効款列龍壁以投誠燒香散花轉
徑行道徽龍光而下邁析精侵之上通死魂
飛浮步武永離於北鬱生根迴復精神獲證
於南丹恩踰溟渤之深德等恭嵩之重有嚴
有赫以謝以析伏冀申錫天光昭回帝鑒救
三官九府削身口意之業編宣五帝四司落
去來今之罪簡涉無為之道岸超有漏之昏

衛麟駁雲駭儼威儀而遊宴鳳綃霧縠端容
止以道遙常居渺渺之鄉永處蒼蒼之界醮
官某千祥天賦五福神資文獻芳猷襲芝蘭
而秀發詩書世澤配松竹以堅貞簪紱連榮
簾櫳多暇九玄七祖升神永侍於蕭臺三族

六親御景咸躋於壽域_臣等依光旒宸級武
班輝莫參入室之玄徒抱面墻之恨宣化幾
成於畫虎承流式冒於嬰麟玄律星羅丹章
日皎重藉十全之蔭庶捐三統之羞道族宗
親擁蕃釐而密被古今師友悟微妙以高躋
玄澤所覃洪恩無數更願乾坤清晏宇宙昭
平四丕胡清華宇不干於經緯百昌茂育飛
潛自樂於高深昭河洛之休符彰車書之嘉
運八極謳歌於化日九陰鼓舞於玄風凡屬
生生均陶化化_臣與醮官等不勝虔禱之至

終獻

重稱法位

具位奉行謝恩清醮法事小兆_臣某與醮壇
官衆等謹重誠上落
三寶至尊九天上帝圓穹之聖真主宰方域

之靈仙神祇內外醮筵無鞅聖衆_臣聞上帝
好生萬劫後更生之惠下民惡死九重垂度
死之仁勤奉奉上之恭真切磨天之寶德風
磅礪法雨濛茸寒庭浩蕩以陽回夜壑昭明
而陰散銘心語淺刻骨情深燈暗千枝落銀

潢於碧漢香殘百和沉玉籟於玄虛願惟難
還之紅塵莫挽逶迤之彩仗屬車八十一乘
陽隱雲衢道系百千萬重輝輝霄景諸天復
位衆聖迴駟拳法從以無由企靈光而如在
_臣與醮官某不勝攀戀之至謹當奉送

復爐

香官使者左右龍虎君侍者諸靈官當令_臣
設醮之所自然生金液丹碧芝英百靈衆真
交會在此香火爐前今_臣學道得道求仙得
仙齊主受福幽顯沾恩十方仙童玉女侍衛
香烟傳_臣向來所落之誠速達徑御
虛無大道九天元皇玉帝_御前

回駟頌

回駟五雲輿 騰駕九章歌 倏忽升天遠
醮壇香氣多 玄恩單宇宙 祿福遍山河

緬想神仙路 道遠上大羅

焚燎

靈寶領教濟度金書卷之八十三

靈寶領教濟度金書卷之八十四八十五 度士

洞微高士開光救苦真人案金身發

靈寶通玄弘救水南先生林靈真編

科教立成品青玄黃錄 救苦齋用

青玄豎橋儀

步虛 洒淨

上香

具位具位謹焚寶香虔誠供養

太上元極大道東極青玄老君太乙救苦天尊

尊運明保元上帝十方分身應化救苦天尊

大慈大悲救苦真人大慈大悲大惠真人十

方十華真人九司聖眾三界應感一切真靈

伏以天綱地紀較聖悉以裁成陰緯陽經運

神機而化育圓蓋耀三華之彩方與澄六合

之氛曰精曰炁曰神既幡然開幽而下邁惟

玄惟元惟始第十一斯煥乎乘神而上征速離芬葩

徑躋寒廓自業風而鼓動致昏霧以沈迷鑿

開七竅以蕩天和狂瀾自倒逞縱六淫而滋

人偽汎駕誰羈茫茫陰晴之鄉望望陽明之

界是以

青玄教主黃錄法王體清微之慈悲開黑單

之惠澤三塗五苦經惟演於香林六洞十宮

教遂彰於華座號尊救苦橋列遷神俾離九

幽之昏蒙疾證一朝之快樂今有齋主某崇

建

青玄黃錄妙齋開度某恭依寶笈爾建華幡

百尺朱竿象飛龍之天矯千尋丹轂等舞鳳

之翩翩上參碧落而光接妙嚴下耀黃埃而

影搖澤壘晚風煙拂曉日雲龍即俾亡過某

感此彷徨觀法橋而直上從茲解悟認華表

以歸來徑詣青華獲超朱火雲鑄振響月聲

朗揚靈光混合於十華梵炁彌敷於九軌宜

旌寶範共快靈遊清衆運心至誠奉請

太乙救苦天尊

志心奉請

東方玉寶皇上天尊第十二惟願真光下映混合華

幡隨風飛揚直向東方風雷地獄令諸罪人

自識宿命悔過知新乘此幡光徑登長樂大

慈大悲尋聲救苦來无上尊

靈幡摇曳淡無光 回指風雷耀震方